

shamet, adat gwunfazun gut gut dumt wil sha gwil gagaudsh ga giat ga ā hakhāk ga didā gunhagunshgum whati shābām laḡat :

8 Nini wila dī wāsh dup gwa na ḡakshawauwōk dit at sha hadadak ga shamet adat gushguldōsha shimgigia-dit adat loga dadāḡa n'lthaumshk gut.

9 Ada alt Michael ga, man-angel ga, n'dat libilt houitk gish ga hadak-gut-ga-haik ga ada na kshānagut gish ga wila wāsh ga tkamaush Moses ga, althga za wha ziāksh za houit a zit dabum laga algiakt, yagai gwai ga houit ga, Miyān gut in shinawogunt.

10 Ada alt gup laga dāluk da dup gwai ligi lip gau wha wilai dit: ada al gau gup lip wilai dit hoigiaga da wāl yezishk ga whati alalgiaga dit ā nini wil lipgeluksh laulaguntk ga dit.

11 Dum dauklthk ga dash dupniat! āwilt lūliyāka nha yākish Caint, ada lipgeluksh logum dalth ga dida na shpagait yāmgushk gish Balaam at klthgau da gunwāl dit ada hūgak didā na shpagait lādīdālagushk gish Korah.

12 Ninish dup gwāya gū ligikgia-kshgum liplaubit a na shpagait shiebunshk ga shimt dat kdium shagait tkauk ga shimt, galilthksh mati da t'in wha dalibāsha lipgeluksh tkauguntk ga dit; whati akakshum shat, gū gwilth shūhūkwan lakāt; gungunum ltha gushādīt wha liltthiklthāgia dit, ltha gwil ba dūdidit, tkā ḡahashhōshgum kzauzak ga dit;

13 Shikshuilgum ḡauba lakakshīt, at kshagolgum kēagun lip hazakzauga dish dupniat; gwilth hūwālukshim biāshīt, dupniada gun gup lthāwila duklāqusha damt gum shḡeutk gut.

14 Ninish dup gwai na gwildum malth dash Enoch ga, dupkaultsh ga wilishidātk gaga wātḡ gut gish Adam,

ash ga houit ga, Ni ltha goiduksh ga Miyān ga shikshōlt ga kapilt ga thousands ga na amāmtk gut ga.

15 A dumt onda dabūt ā tkāni dit, dumt ksh-hadadagun tkāni whati hakhoigiagum gigiengwakltha dit ā tkāni na hakhalthshum whati hakhoigiagum gigiengwaklth dit gū na wālum whati hakhoigiagum gigiengwaklth dit, dilth tkāni dakdauklthgum gau na housh ga whati hakhoigiagum gigiengwaklthum hadadak ga dit ash niat.

16 Ninish dup gwai hūḡadūala alalgiaksha dit, hūḡḡāltha dit, at lūliyāka n'lip ḡanshagum dit: ada hūḡaziksh-houtikshum ḡazumāk dit, adat gwuniazun anagushgum giat dit ā hakstā da gunwāl dit.

17 Ada alt nūshim shipshiebun shim a'abugash ga alalgiak ga na gwildum housh ga apostlesk gish ga Miyānum gut Jesus Christ ga.

18 Gū wila hou didā gwashim, zida ltha kshktulāndalth time dum wan hūḡanashḡatgum giadit gūt in lūliyāka n'lip ga whati hakhoigiagum gigiengwaklthum nahagum dit.

19 Ninish dup gwai bishbashagunshk ga dit, gup lip wālum giat dit wil wha shashgish Haik ga.

20 Ada alt nūshimt, shipshiebun, gukshwil l'lip geluksh makshintk ga shim ā lakau na n'lthōdukshum shimhoudiksha shimt alth gigiengwaklth shim ash ga shpagait Amt ga Haik ga.

21 Lip geluksh dakdoksha shim ash ga shpagait shiebunshk gish ga Shimoigiat ga Lakāga, alth bōishk ga shim ash ga nagumḡaudsh ga Miyānum gut Jesus Christ ga āwāsh ga whati shābām gundidōsh ga.

22 Ada al ḡumḡaud shim ā naga-zāou dit gū ḡawhawā dit:

23 Ada ma shim dilamautk ga nagazāou dit, alth ma shim ashti dok